

MEMORIA XUSTIFICATIVA DA IMPOSIBILIDADE DE CONCORRENCIA PÚBLICA DO CONVENIO DE COLABORACIÓN ENTRE A AXENCIA PARA A MODERNIZACIÓN TECNOLÓXICA DE GALICIA E A ASOCIACIÓN DE EMPRESAS GALEGAS DE SOFTWARE LIBRE PARA A REALIZACIÓN DE ACTUACIÓNS DE FORMACIÓN, CAPACITACIÓN E PROMOCIÓN DO SOFTWARE LIBRE E DE FONTES ABERTAS E O USO DE ESTÁNDARES ABERTOS EN GALICIA

Axencia para a Modernización Tecnolóxica de Galicia é unha axencia pública autonómica, creada polo *Decreto 252/2011 do 15 de decembro, modificado polo Decreto 9/2021, do 21 de xaneiro, polo que se suprime o Centro Informático para a Xestión Tributaria, Económico-Financeira e Contable (Cixtec) e se modifica o Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos*, que ten como obxectivos básicos a definición, o desenvolvemento e a execución dos instrumentos da política da Xunta de Galicia relativa a tecnoloxías da información e comunicacións, así como innovación e desenvolvemento tecnolóxico de Galicia

Segundo o artigo 9 do estatuto da Axencia para a Modernización Tecnolóxica de Galicia aprobado polo *Decreto 9/2021, do 21 de xaneiro, polo que se suprime o Centro Informático para a Xestión Tributaria, Económico-Financeira e Contable (Cixtec) e se modifica o Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos*, a Amtega ten entre as súas competencias a dirección e xestión de todas as actuacións da Xunta en materia de tecnoloxías da información e as comunicacións e o deseño e liderado de iniciativas que contribúan a impulsar o desenvolvemento da Sociedade da información en Galicia, garantindo os dereitos dos cidadáns e eliminando as barreiras que se opoñan á expansión e ao uso das novas tecnoloxías.

A Amtega ten entre os seus obxectivos prioritarios, lograr un desenvolvemento efectivo da Sociedade da Información na Comunidade Autónoma de Galicia, promovendo aquelas accións que faciliten e impulsen a incorporación de toda a sociedade aos novos recursos tecnolóxicos da información e das comunicacións e a



implicación dos cidadáns galegos na utilización das novas tecnoloxías como factor xerador de novas capacidades, de emprego e de desenvolvemento económico.

A Asociación de Empresas Galegas de Software Libre (Agasol) é unha asociación de empresas galegas de software libre que pretende exercer como interlocutores dun sector en fase expansiva en Galicia e, ao tempo, promocionar un modelo de Sociedade do Coñecemento no que resulta clave a liberdade para mellorar os programas informáticos e facer públicos e accesibles eses progresos.

O convenio que se pretende asinar entre a Amtega e Agasol ten por finalidade a realización de actuacións de formación, capacitación e promoción do software libre e de fontes abertas e o uso de estándares abertos en Galicia, para o fomento da Sociedade da Información en Galicia, entre as que están:

- ✓ Xornadas empresariais - Como xestionar una empresa en software libre.
- ✓ Programa Girl SteAm. A loita por impulsar o emprendemento feminino, Mulleres e Tecnoloxía".
- ✓ Organización dun slot do Congreso "esLibre"
- ✓ Elaboración de recursos formativos para a Rede CeMIT relativos ás competencias dixitais no ámbito do software libre e os estándares abertos.

A achega económica desta axencia ao abeiro do presente convenio ten un carácter de interese público, de acordo co artigo 26.2 da Lei 9/2007, do 13 de xullo, de subvencións de Galicia, porque contribuirá a:

- Desenvolver plans de formación para o crecemento da Sociedade da Información e a capacitación profesional nas tecnoloxías das comunicacións entre os profesionais e a sociedade en xeral.
- Incorporar a accesibilidade como condición indispensable das actuacións.



- Incrementar os contidos divulgativos en galego en Internet.
- Difusión e divulgación das vantaxes da incorporación das TIC en todos os sectores, así como do sector profesional das TIC.
- Impulso das vocacións científico-tecnolóxicas, especialmente entre as nenas.
- Promover á igualdade de xénero no sector das TIC.

Tendo en conta, por unha banda a importancia destas actuacións como un medio máis para contribuír de forma eficaz e complementar ás políticas de dinamización da implantación da Sociedade da Información en Galicia da Amtega, e por outra que Agasol é a única Asociación de Empresas Galegas de Software Libre e ten como obxectivo o obxecto final deste convenio, por razóns de eficacia e efectividade, resúltalle de aplicación a lei 1/2016, do 18 de xaneiro, de transparencia e bo goberno e o artigo 26.2 da Lei 9/2007, do 13 de xullo, de subvencións de Galicia.

E para que conste e produza os efectos oportunos da declaración expresa prevista no devandito precepto legal, asino o presente documento en Santiago de Compostela,

O xerente da Axencia para a Modernización Tecnolóxica de Galicia

José Luis Somoza Digón

